



Aningaasaqarnermut Nunanilu Avannarlerni Suleqatiginnermut Naalakkersuisoq

Ulloq: 18. november 2019
J.nr.: 01.31.06/19-00855

Aningaasaqarnermut Akileraartarnermullu Ataatsimiititaliap tallimanngornermi ulloq 15. november 2019-imi aalajangiineranik Naalakkersuisunut ilisimatitsineq.

Peqqinnissaqarfíup kontuinut pingaarnernut Napparsimasut nunani allani katsorsarneqartarnerat, timikkut nappaatinut; Dronning Ingridip Napparsimavissuanut aamma Nunap immikkoortuini peqqinnissaqarfíit, nakorsanit sullinneqarnermut ilassutit aningaasaliissutinik qinnuteqaat – Suliaq nr. 01.31.06/19 – 00855.

”Naalakkersuisut **inassutigaat**,

- Kontumi pingaarnermi, 34.11.01 Napparsimasut nunani allani katsorsarneqartarnerat, timikkut nappaatit, aningaasaliissutit 9.500.000 kr.-nik ilaneqassasut.
- Kontumi pingaarnermi, 34.11.03 Dronning Ingridip Napparsimavissua, aningaasaliissutit 9.000.000 kr.-nik ilaneqassasut.
- Kontumi pingaarnermi, 34.12.01 Nunap immikkoortuini peqqinnissaqarfíit, nakorsanit sullinneqarneq, aningaasaliissutit 4.500.000 kr.-nik ilaneqassasut.
- 2019-imut IST-mut angusat 23.000.000 kr.-nik ajornerulersinnejassasut.”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Suliaq pillugu apeqqutit arlallit akissuteqarfíigineqarnissaannut suliap matuma suliarineqarneranut atatillugu Peqqissutsimut, Isumaginninnermut Inatsisinillu Atuutsitsinermut Naalakkersuisoq Aningaasaqarnermut Akileraartarnermullu Ataatsimiititaliamit aamma Ilaqutariinnermut Peqqissutsimullu Ataatsimiititaliamit aggersarneqarpoq.

Siunersiuinissamut aggersaanermut pingaarnertut pissutaavoq ukiuni kingullerni taamaattunik ilassutit aningaasaliissuteqarnissamik qinnuteqartoqartarsimanera. Tamatuma peqtigisaanik ataatsimiititaliamit ilimagineqarsimavoq qinnuteqaatit taamaattut una kingullersarinngikkaat. Taamaalillunilu apeqqutaalerpoq ungasinnerusoq isigalugu ajornartorsumik aaqqiiniarnissaq pillugu erseqqinnerusumik misissuisoqartariaqalinnginnersoq.

Qinnuteqarnissaq sioqqullugu missingersuutinut sunniuteqanngitsumik nuussinerit ingerlan-neqarsimasut, taamaalillunilu ukiut siulii assigalugit suliassaqarfinni allani sipaaruteqartoqarsimasoq, ataatsimiititaliamit maluginiarneqarpoq. Missingersuusiornermut malittarisasaq naapertorlugu allatigut sipaaruteqarnikkut aningaasaleqqinnissamik pisariaqartitsinerup Naalakkersuisunit matussuserniarneqarsimanera ataatsimiititaliamit pitsasutut isigineqarpoq.

Aningaasanut inatsimmi aningaasaliissutit kontot pingarnerit aqqutigalugit pisarpoq, soorlu tamanna Inatsisartunit aalajangiunneqarsimasoq. Naalakkersuisoqarfíit matumanisut annertutigisumik missingersuutinut sunniuteqanngitsumik nussisariaqarsimagaangata aarleqqu-tigineqarsinnaasarpoq aningaasanut inatsimmi aningaasaliissutit aningaasaliinermi tunnga-

viit tamakkiinngitsumik naapertorlugit atorneqartut. Tamanna oqimalutagassat ilagigaat ataatsimiititaliamit paasinnitumik pissuseqarfingineqarpoq.

Iliuutsit piaariaqartoq taamaattut sulinerup pilersaarusrornerani nukinnik atuiffiusariaqartumik akornusiisartut Naalakkersuisup paasissutissiissutigaa. Peqqinnissaqarfip aningaasarnerat assorsuaq tatineqartoq aammalu suliassaqarfitt arlaallit ikippallaanik aningaasalerneqarsimasut Naalakkersuisup paasissutissiissutigaa. Taamaalillunilu aningaasatigut atugassiissutigineqartut eqquutsinnissaat aammalu sullissinerup maannatut annertussuseqartumik tunniunnissaa ajornarsisarpoq.


Naalakkersuisup paasissutissiinera aallaavigalugu ataatsimiititaliamit naatsorsorneqarsin-naavoq ukiut kingulliit pingasut agguaqatigiissillugu ukiumut 34,5 mio. kr.-it atuine-russutaasarsimasut. Qinnuteqaammi matumani 23 mio. kr.-it pineqarput aningaasallu taakku saniatigut missingersuutinut sunniuteqanngitsumik 14,5 mio. kr.-inik nuussisoqarsimalluni. Kiisalu Naalakkersuisup paasissutissiissutigaa aningaasat allat 50 mio. kr.-it imaluunniit neqeroorutit sullississutillu suut peqqinnissaqarfimmit innuttaasunut neqeroorutigineqarnissaannik pingarnersiuilluni tulleriaarineq pisariaqartinneqarumaartut.

Siuliani allassimasut tunngavigalugit aammalu aningaasat ilassutitut aningaasaliissuteqarnissamik qinnuteqartoqarneratigut atuinerussuteqarnikkulluunniit atorneqartareeremata aningaasanut inatsisisanik siumut isigisumik piareersaasiornermi peqqinnissaqarfimmut saniatigut 30-50 mio. kr.-it pissarsiariniaqqullugit Naalakkersuisut ataatsimiititaliamit kaammat-torneqarput.

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuersissutigineqarput**.

Inussiarnersumik inuullaqquqsisillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua